

金石萃編

金石萃編卷七十八

賜建士出身 誥授光祿大夫刑部右侍郎加七級王昶撰

唐三十八

興聖寺尼法澄塔銘

碑高三尺七寸廣二尺九寸二十五行行三十二字正書在西安府咸寧縣城外馬頭空

大唐故興聖寺主尼法澄塔銘并序

宗正卿上柱國嗣彭王志疎撰并書

法師諱法澄字无所得俗姓孫氏樂安人也吳帝推之後祖榮涪州刺史父同同州馮翊縣令法師弟二女降精粹之氣含宏量之誠大惠宿持靈心早啓鑒浮生不

住知常樂可依託事蔣王求爲難俗遂於上元二年出家威儀戒行覺觀禪思跡履真如空用恒捨遂持瓶鉢一十八事頭陀山林有豹隨行逢神擁護於至相寺康藏師處聽法探微洞悟同被善才調伏堅持寧殊海意康藏師每指法師謂師徒曰住持佛法者卽此師也如意之歲注刑肆逞誣及法師將狀汝南謀其義舉坐入官掖故法師於是大開聖教宣揚正法歸投者如羽翮趨林藿若麟介赴江海昔菩薩化爲女身於王後宮說法今古雖殊利人一也

中宗和帝知名放山

使供承朝夕不絕景龍二年大德三藏等奏請法師爲

紹唐寺主

勅依所請

今上在春宮幸興

聖寺施錢一千貫充脩理寺以法師德望崇高

勅補爲興聖寺主法師脩繕畢功不逾旬月又於寺內
畫花嚴海藏變造八角浮屠馬頭空起舍利塔皆法師
指受規模及造自餘功德不可稱數融心濟物遍法界
以馳神廣運冥功滿虛空而遇化不能祗理事塗請解
寺主遂抄花嚴疏義三卷及翻盃蘭盆經温室經等專
精博思日起異聞疲歇不生誦經行道視同居士風疾
現身乃卧經二旬飲食絕口起謂弟子曰我欲捨壽不
知死亦大難爲當曰緣未盡後月餘儼然坐繩床七日

不動唯聞齋時鍾聲卽喫水忽謂弟子曰狀我卧我不
能坐死卧訖遷神春秋九十開元十七年十一月三日
也以其月廿三日安神於龍首山馬頭空塔所門人師
徒弟子等未登證果豈知鶴林非永滅之場鷲嶺是安
禪之所號慕之情有如雙樹法師仁孝幼懷容儀美麗
講經論義應對如流王公等所施悉爲功德弟子嗣彭
王女尼弥多羅等恐人事隨化陵谷遷移紀德鏤功乃
爲不朽銘曰

易高惟一道尊自然大法雄振豈曰同年優隴花色曇
弥善賢錯落倫次師在其間濟彼愛河拯斯苦海導引

羣類將離。纏蓋不虛不礙。常住三昧。是相無定。隨現去來。雙林言滅。金棺復開。有緣既盡。歸向蓮臺。衆生戀慕。今古同哀。

刻字朱曜光

右興唐寺主尼法澄塔銘。嗣彭王志陳撰并書。志陳嘗爲宗正卿。唐書宗室世系所未載也。志陳女彌多羅出家爲法澄弟子。而法澄祖父亦皆列官于朝。蓋唐時朱門世胄。無不欽信佛法。以帝女之貴。且有出家學道者。其它固難悉數矣。文云如意之歲。淫刑肆逞。誣及法師。將扶汝南。謀其義舉。坐入宮掖。中宗和

帝知名放出蓋武后時嘗沒爲宮婢者古人命字或取三字如張天錫字公純蝦崔宏度字摩訶行之類法澄字无所得亦三字也

潛研堂金石文款尾

麓山寺碑

碑高一丈七寸八分廣五尺三寸八分二寸八分行五十六字行書額題麓山寺碑四字篆書在長沙衡山縣嶺麓山寺

麓山寺碑

夫天之道也東仁而首西義而成故清泰所居指於成事者已地之德也川浮而動岳鎮而安故耆闍□□□□□□□□大拒厥旨元同□以迴向度門墮于郭右仰止淨域列平巖巔寶堂岌業於太虛道樹森梢

於曾渚無風而林壑肅穆□□□□□□□□未眞
梵天猶俗名稱殆絕地位嘗□者不其盛歟麓山寺者
晉太始四年之所立也有若法崇禪師者振錫江左除
粘□□□□□□□□□□□□□□□□□□□□□□
赤豹文狸女蘿薜帶山祇見於法眼寶后依於佛光至
請舊居特爲新寺禪師泊翌□宏業謀分衆□□□□
□□□□□□□□丘墟盡平太康二載有若法導禪師莫
知何許人也默受智印深入證源不壞外緣而見心本
無作眞性而注福河大起前功重啓靈應神僧銀色化
身丈餘指定全模標建方面法物增備損供益崇廣以

凌雲之臺疏以布金之地有若法愍禪師者江夏人也
空慧雙銓寂用同轡慈目相視淨心相續綜覈萬法安
住一歸注大道經究上乘理永託茲嶺克終厥生逮宋
元徽中尚書令湘州刺史王公諱僧虔右軍之孫也信
尚敬口作爲塔廟追存寶相加名寶山效乎弓冶筆精
陶甄意匠畱書藏石絨妙俟時候法字之傾伋期環饋
以興葺遠慮將久遺事未彰梁天監三年刺史夏侯公
諱祥了義重元別構正殿紹泰二年刺史王公諱琳律
師法賢或在家出家或開口眼見建涅槃像開甘露門
長沙內史蕭沆振起法鼓宏演梵言繼捷口於景鍾口

貝葉於曾閣陳司空吳明徹隨侍中鎮南晉安王樂陽
王並佛性森然國禎秀者壯迴廊以雲構蔚愁居以天
覆開皇九年天台大禪師守護法口口清悲海巖幢標
聳智火融明龔如來堂坐法華定四行樂而不取三賢
登而更遷有若曇捷法師者伐林及樹染法與衣不墜
一滴之油有雷大根之雨摠管大將軍齊郡公攬公諱
武福德莊嚴喜慧方便疏寫四部鎮重百城有若智謙
法師者願廣於天心細於氣誦習山頂創立花臺有若
摩訶衍禪師者五力圓常四無清淨以因因而入果果
以滅滅而會如如有若首楞法師者文史早通道釋後

得遠涉吳會幽尋天台法界圖口剡中真訣論於湘上
具究竟戒敷解說筵一法開無量之門一音警無邊之
衆方等有以復悔雙林有以追遠並建場所耳爲住持
惟口口禪師者口其武憑其高超乎雲門絕彼塵網深
以爲性有習道有因止於心反於照習也者坐乎樹居
乎山因也者固習而無因則不住因而無習則不證是
口區和正覺阿若冥搜想息而精進甲堅受除而煩惱
散散百川到海同味於鹹千葉在蓮比色於淨起定不
離於平等發慧但及於慈悲故能口口順口口口口
口口收伯萃止皇華游臻啓焚香之上緣託成佛之嘉

願上座惠口寺主惠暨都維那興哲等皆靜慮演成妙
輪轉次因差別而非法口口口口口口見而入流
率一心而辦事成口形勝之會如彼脩行之迹如此而
豐碑未勒盛業不書安可默而已哉將何以發揮頌聲
披揚宿志口口口口口口公名彥澄碩德高剛紹賢
遠口口口厚撿捺冰清屬以師長口口攝行隨手以
家而形於孝友以己而廣於詩書以重而雅俗口口
口口口口若且猶歸心淨土口口口口口口外
幢興開示之眞語口謀羣吏乃命下寮顧蚊山之易疲
歎龍宮之難口其詞曰

天地有象□賢建極冥坐中巖成道西域後代襲武前
良作則安□□□□□□□□□□契三歸願塞其

金方置廟衡麓開場龍象擁□人天□香鬼神賜

土靈化度堂重鎮牧伯上游侯王光昭法侶大啓禪房

其二□□□□□□□□□□郭萬家帶江千里玉□布

飛石林雲起□□□□□月窺窓裏花臺隨足天樂盈耳

其三 人與地靈心將法滅既往在此比明齊哲□□□

□□□□□連率順風馴驥欽烈□□□□□馳□絕

其四 碑□莫建軌物未宏和合是請佐貳是膺政敷大

郡信發廣乘願言有述以訪無能惟石可□□□□□

前陳州刺史李邕文并書

大唐開元十八年歲次庚午九月

英英披霧其德允燦卓立雋才標口口口

余友俞仲蔚爲余言李北海岳麓寺碑勝雲磨余亟
購得之題名稱前陳州刺史按邕謁上太山還獻詞
賦上悅會有仇人發其賊者張說忌之下獄論死許
昌男子孔璋救之得免謫尉遵化此其赴謫時道書
也碑文頗庸陋又於杜拾遺集見其一詩稱語殆不
可曉何以資十將莫邪稱於世耶邕以絀文獲名以
虛名獲死以佳書獲譽皆所不虞者因附識之

兗州山人

集

是碑筆勢雄健刻字亦出公手大凡李公書言黃鶴
仙伏靈芝元省己者皆託名也

蒼潤軒
碑跋

文云元徽中尚書令湘州刺史王公僧虔右軍之孫
也以晉宋齊史考之僧虔爲丞相導之元孫於義之
爲族曾孫不當云孫也又云梁天監二年刺史夏侯
公諱祥按梁書南史俱作詳古書祥詳二文恒通用
潛研堂金
石文款尾

碑舊爲集錄者所收僅見碑陽而已其陰則自予遊
長沙始得之者也此碑爲世所重然惟題曰嶽麓寺

碑今證以題額作方篆陰文凸起蓋爲麓山寺碑再
證之文內亦云麓山寺者晉太始四年之所作也而
杜工部詩又稱麓山之南則向所名歎麓寺碑疑爲
非實又石墨鐫華云在岳州府金石文字記云今在
寺中皆得之傳聞予以目驗觀是碑在書院之右十
餘步碑陰列銜書名爲妄庸人題名交午橫貫以致
損蝕不可次第予稍就其可辨者志之第一層有功
曹參軍字倉部員外同正李字戶曹參軍士曹參軍
參軍趙參軍劉利器字又錄事王敬撰博士張長卿
可見者三人又下博士王獨存姓而已又柳令姓名

闕贊尚可尋讀成句有曰禮樂仕門

闕

君子同官比

能隣

闕

爲美坦坦爲懷謙謙虛已有力豐碑下漫滅

第二層首行長沙字可辨三行康楚元名四行成麟

字五行上柱國懷端字皆彷彿可辨下數行并有尉

員外同正字開行亦有贊名家

闕

意君子德心

闕

木

繁林階下無訟堂上有琴大絃以雅小絃不淫又有

醴陵令李仁丞張道主簿張思已尉李靈尉張光庭

衡山令劉咸之丞劉員外尉王光大尉周待微湘鄉

令王武信下闕不全者陽令孟瀏陽令主簿張字又

贊華宗舊德利器

闕

播政震雷

闕

有典有則字可見

第三層有鄧洪敏石泰桓嗣宗張輝楊庭訓朱封禪
祝仁期姓名悉存此以予考之碑陰諸列名者皆不
顯于唐世而所見又剝蝕無餘然喜由予而收錄使
後世知有其名者必自此發之也坦字關畫以避睿
宗諱旦故書之如此地理志衡州下衡山本隸潭州
神龍三年來屬今碑在開元十八年則衡山隸衡州
久矣然衡山令猶列讚于此何也豈與守潭者有舊
識與今守潭者名在碑陽獨彥澄字存百餘有政和
題名一淳闕題名下牛元若題名一其大書橫勒者
則前明提學郭登庸也

授堂金石跋

按碑在嶽麓書院昶數過長沙渡湘江詣書院親至碑下見是碑上多裂文士人作亭碑嵌亭壁甚固碑陰所題今不可復見矣碑爲李邕書李邕自開元十三年十一月後獲罪貶遵化尉至是蓋五年矣弇州山人謂此碑是邕赴謫時道中所書然則當時謫貶卑官竟可遷延不赴觀其題銜作前陳州刺史而不云遵化尉又可見謫官亦不必入之題署矣下篇東林寺碑與此同碑云紹泰二年刺史王公諱琳梁書王份傳份長子琳字孝章舉南徐州秀才累出爲明威將軍東陽太守不云其

爲湘州刺史則非碑所稱王琳碑所稱者當是北
齊書所載王琳字子珩會稽山陰人少好武爲將
帥遷岳陽內史以軍功封建寧縣侯拜湘州刺史
事在隨王僧辯破侯景之後與碑稱紹泰年相符
碑云陳司空吳明徹陳書明徹傳載其爲司空在
太建八年碑云隨侍中鎮南晉安王樂陽王竝佛
性森然國楨秀者隋書諸王傳無晉安樂陽二王
惟陳書有世祖第六子伯恭立爲晉安王而樂陽
亦無考碑云總管大將軍齊郡公權公諱武福德
莊嚴喜慧方便疏寫四部鎮重百城隋書權武傳

金石錄卷之十一
武字武彘以忠臣子起家拜開府襲爵齊郡公高
祖受禪拜沂州刺史伐陳之役以行軍總管從晉
王出六合後以創業之舊進位大將軍檢校潭州
總管碑所載當在此時王弇州謂碑文庸陋并論
邕詩多穉語詩附見杜少陵集卽登歷下古城員
外孫新亭詩

大忍寺門樓碑

裴本高廣行字
皆不計隸書

唐開元十有八年定之深澤大忍寺尼脩巨靈分守以
威不若惟交與興復樓之三拱於□□□□□□□□

□□□□□□參差竦□以□□垣巖廊於亦制立
張皇前殿以爲一寺之表此寺也始聞於晉魏代歷於
周隋有舍利之感無憂之跡靈龕□闕然恒所嗟快今
斯一舉可謂盡美夫其櫺蟲□□嵯峨山峙偃□日月
棲□風煙□□微坐脩檐邊視數百若指諸掌縱因遐
觀則左碧海而右青山依違諸梵之宮俄不知川原井
邑之所在請循其□正象之紀也始以經論成□終以
功福宅心故建茲樓用周所願蓋式資□之不可以志
也則所以誓□言護建寺綱列釋台志存誠於是閭閻
首豪無非悅服大捨者卅有三戮力者五十轉勸者百

有八千餘室同欲共買竭款効勤終始一心有死無二
凡社保婚聘之禮牲幣之費則歸之所謂從閭入明信
異郡殊方從善如流懸黃式競者不可勝紀八材是購
口口如雲茂績有孚職迺歸木石之攻也已陰判於巖
壤之閒收之果與度量合搥輪既口不勸而奔推轂排
轅其指可掬者萬數先是深數丈及茲可揭力未其神
功也歟天恩越自恒典百足眞務所以凝也口就業口
匪翔價善且不孤恭惟大師以解脫之身宅無漏之界
而猶不我遐棄紫金其容從悲願也然則鴻濤沸于眞
平海且晏然化惡云滅乃今靈儀在殿雖不口於往來

而神足潛遊心每陪於履踐則零然作爲紺宇祇隨氏
高尚其事不利黃金以今而觀有足係也超忽時事杳
然刊諸峨峨茲樓矯矯首出萬機爭竦黃雲造日峻城
仰壓靈□□□擢擢金容魂態可悉超超自功可久其
利匪一海獄灰揚此焉終吉刺史段公崇簡動中權言
合道德惟淳懿政不苛煩故百姓安□ 別駕符公子
珪長史迹佐理之德實難其人 司功李公眞縣令劉
公遂昌好寬厚之德行和乃心茲樓故獲終吉 丞齊
公賢主簿樊公璆尉張公懷尉張公仲良前尉乘公璣
以道聯□□□□□□□□□□

唐大忍寺門樓碑沙門釋具撰裴抗八分書開元十

八年

金石錄

東林寺碑記

碑高一丈三寸七分廣五尺六寸三分二十四行行五十二字行書在九江府東林寺

前陳州刺史口夏李邕文并書

上尼丘啓於夫子驚嶺保於釋迦衡鼻之託思天台之

棲顓豈徒然也故知土不厚則巨材不生地不靈下開

宿根果於福庭大口萌於淨土其來尚矣東林寺者晉

太元九年慧遠法師之所建也廿居廡門樓頌俗姓下開

初涉華學不讀非聖之書中畱範經尤遠是田之說嘗

就恒岳觀止道安火遇於薪玉成於器雖根種諸佛

下

喻維摩詰答更了空門安住四依脩捨二法和上歎曰

吾道行者惟此人焉屬朱序尋戈緇徒逃海道由

下崇

勝有足厖居居地若無流池曷云法字大誰神廟特異

蓮峯結跏一心開口五力以杖刺地應時涌泉

下演妙

乘浮囊毒流木鐸正教首唱南部轉覺後人以智慧刀

斷煩惱鎖由是真僧益廣妙口日崇隘其

下

安棲口曇

現之門生隣慧永之阿若相與撰平圖踰曾嚴在山之

陽居水之右經其始而未究其末

下

司人柄鉞國鈞以

福莊嚴因橋檀施書日力之費盡土木之功遯垣雲連

厦屋天聳如來之室宛化

下關

若與宇冬煥高臺夏清玉

水文階而碧沙瑤林藻庭而朱實璫璃之地月照灼而

徘徊旃檀之龕

下關

什致其澡瓶巧窮雙口姚泓奉其雕

像工極五年殷堪樞衣而每談盧循避席而累贊道靈

三界

下關

首觀其育王蹟罪文殊降形蹈海不沉驗於陶

侃迫火不焚夢於僧環願苟存誠祈必通感既多口口

口口日乍積陽

下關

舍利東化或塔踊於地或光屬於大謝

客欣味而成文劉斐詎訶而覃思所以山岳五岳江比

口口口憑法而自高物

下關

有崇禪師者傳燈習明安心

樂行指拏猶口薪盡如生次有果口二法師僧寶所欽

克和止觀□□□大用繼住持上座

下維那道真等皆

沐浴福河棲止淨業諸結已盡白黑雙遣衆生可度名

□兩忘慕盛名於舊□□□意於今作重建雅

下有懸關

豈云傷手握筆餘勇曷議齊賢但相如好仁慕蘭名而

激節伯喈聞義讀曹碑而敘□□□□於藍冰寒於水

非日□□□□□其詞曰

靈山兆發真僧感通刺□□□□神致功法儀外演禪

心內融性除遍執

□開大空

其一

瞻礼雲集厖居峯薄

越嶺昂勝降□□□□臣檀施護供興作大起重階□

□□閣

其二

嚴幢踊出寶塔飛來尊容月滿法宇天開

化城改築道樹移栽松清梵樂石□□□金容海
游法影山薦毒龍業□□□心變萬里西傳一時東現
華戎異聞穹厚驚助其四遠實法主謝惟文日光頌累
彰□□□□起江山聲流金石一言可追千載□激
其五了性了義或古或今止持紹律定慧通心觀物情
至懷下

大唐開元十九年七月十五日建

皇元至元三年歲次後丁丑四月乙巳□初八日戊
寅當代住山沙門慶哲重立石

廬山之勝甲天下而東林又山之勝處也由遠法師

居之而名益重至宋照覺總公易爲禪林而寺始大
其間名賢闕世所珍延祐七年寺火碑壞住山古
智禪師旣新其寺復取李碑舊本重摹刻之或謂道
無今古時有廢興而文闕闕取焉而禪師之言
曰道外事乎事外道乎華嚴法界世俗衆藝皆爲道
用且吾以興復之勞欲後之繼吾居者闕闕闕
者而述之於將來也故吾之刻石庶有勸於後云龍
翔法弟大訢聞而識其說于下時至元三年二月

觀李北海書東林寺碑題記

正書一行

闕翰想見風彩洪州刺史兼御史中丞裴休

又正書兩
行左行

元豐四年口月十六日楚國米黻

李邕虞集東林寺二碑在寺東山麓多剝落嘉靖乙

卯戶部主事田汝麟始構亭覆之

桑喬廬山紀事

北海守李公作東林寺碑手筆一軸俾模而刊石藏

於寺者凡百一十三歲釋雲皋一旦視碑卷歎曰莫

石莫刊將焉用僧遂募緣成其事會河東裴公開府

鍾陵聞皋志願亦垂信施因自染翰贊列爵秩名氏

於卷末皋乃得模而刊於碑

張又新東林寺建碑記略

開元李北海謨東林碑書凡一千零三十七字洪州

刺史裴休題云覽北海詞翰想見風采卽米黻蔣之
奇咸有款識延祐七年寺火碑壞住山古智禪師復
取李碑重摹刻之立於虎溪三笑橋萬歷丁酉竟爲
醉髡所斷毀去全文四十七字自眞老僧以栗木鏤
箝移據神運殿中又藏碎碑一十五字補之其阿護

翰墨良云摯矣

張中微
圖隨筆

按毛德琦廬山志廬山舍利埵南爲東林寺晉沙
門惠遠之道場也初遠公自樓煩至廬山結庵于
西林之東以居曰龍泉精舍其後刺史桓伊爲請
立寺曰東林而名殿曰神運張天覺神運殿記曰

釋迦文佛殿徧天下以萬計而此殿獨曰神運何也初遠法師過江將適羅浮宿廬山逆旅感山神託夢徘徊登覽溪流散漫無足慮者一夕雷雨晦暝山水暴至向之中流化爲平陵花木羅列其上九江太守桓伊聞而神之爲之請建寺以居神運之名蓋得諸此云又按十八高賢傳慧遠姓賈氏雁門樓煩人幼而好學年十三博綜六經二十一欲渡江從學范甯南路梗塞有志不遂時釋道安建刹于太行常山一面盡敬以爲眞吾師也遂與母弟慧持投簪受業因求直道場沙門曇翼每給

燈燭之費安師嘗臨衆歎曰使道流中國者其在
遠乎後隨安師南遊襄陽值秦將苻丕爲寇乃分
張徒屬各隨所往師乃與弟子數十人南適荊州
居上明寺念舊與同門慧永約結屋於羅浮太元
六年至潯陽見廬山閒曠可以息心乃立精舍以
去水猶遠舉杖扣地曰若此可居當使朽壤抽泉
言畢清流湧出潯陽亢旱師詣池側讀龍王經忽
有神蛇從池而出須臾大雨歲竟有秋因名龍泉
精舍永師先居廬山西林欲邀同止而師學侶寢
衆永乃謂刺史桓伊乃爲建刹名其殿曰神運以

在永師舍東故號東林時太元十一年也先是潯

陽陶侃

碑作陶侃

刺廣州漁人見海中有神光網之得

金像文殊誌云阿育王所造後商人於海東獲一

圓光持以就像若彌縫然侃以送武昌寒溪及侃

移督江州迎像將還至舟而溺及寺成師至江上

虔禱之像忽浮出遂迎至神運殿造重閣以居之

因製文殊瑞像贊此遠公創建東林寺之大凡也

此碑雖闕泐其文存者大半多合可以參考而得

其詳矣碑建於開元十九年似係崇禪師等重建

東林記其興作之事而述遠公緣起得十之七八

碑爲李邕撰書亦題前陳州刺史與麓山寺碑同

支提龕銘

石約高六尺廣四尺三寸
二行行四十八字行書

三尊眞容像支提龕銘

陳畱蔡景撰

原夫至道寥廓等寂寞以無言眞智如如湛然口口之外應權變化運神用於無邊至於無生之生示現非相之相灑甘露於塵界普洽四生轉法輪於大千哀矜六趣口大悲口口孰能預於斯焉 我大師造化神功此地多形勝之所金門梵響振萬古之音聲豁谷伽藍樹

芳曰於億劫隣茲福階之□□靈瑞之幽巖仰瞻驚嶽
之峯俯接祇園之地非直溪谷幽邃抑亦聖跡昭然康
哉大哉故無德而稱矣爰有遺法弟子 義紉乾壽

等宿乘妙業俱崇勝因稟質天資人靈特秀懼暴流之
叵度建愛渚之津梁□乃運用奇功依巖起塔雕龕鏤
室窮匠□之神綺飭莊嚴竭工輸之妙望之如日自有
昭昭之暉仰之如天非復蒼蒼之色大千世界悉現於
寶蓋之中應化三尊處□思議之一室梵宮晃耀此乃
非殊相好圓明光同月愛恐乘田變海陵谷俄遷用紀
微功刊茲貞石其詞曰

邈矣大聖耀質金軀三身化現四智如如不生不滅非
實非虛有無所有無無所無其真容毫相光流月愛常

遊十方恒在三昧示入生滅無罣無礙脫屣踰塵超然

物外其粵我三尊惠力難量慈雲廣被普洽無壇應植

利物導引隨方群生舟楫苦海津梁其仙巖聖跡式建

支提斜連麓岫俯瞰幽溪天長地久日月昭迴金門動

響石室方開其

述二大德道行記

弟子蔡景口

大德檀越門徒情深道義惠燈傳照朗悟心靈示誨之
恩碎軀難報今囑讚佛之次述二師之至誠輒申毫末

之辭式頌彌天之德庶望將來君子知三寶之住持敬
題行記書之如左。

法師義和字盤濟東魏鄴城人也俗姓張氏年七歲依
口馬寺口口口口息茲弟子天縱英靈聰惠明哲文
明初歲落髮染衣住裕谷寺勤於藝業內外俱瞻解行
雙美妙善悉曇奉勅徵口口口口口二京翻譯於是

參詳聖旨口闡梵言譯金光明經薩婆多律掌環訖等
三百餘卷並詮證義筆授綴文又補充口僧統司修
宰堵被檢校尋被抽入薦福寺滿世大德百坐講說類
登勝席殿庭論議擢以令名法師學海宏深薛林冠茂

開揚□□名播二京其時僧衆咸号法師東魏大乘弘
矣又補京慈悲寺都維那復於內道場佛光殿轉經行
道面奉□□□□□□菩提迎接經像至乾陀羅國
迎得三藏鄔帝弟婆將眞容畫像廿鋪舍利千餘粒三
藏梵本二部至京聞奏聖□嚴駕□□法師馳駟王
城方窮異域往來四載途經一萬八千供奉二朝十
有三記前後勅賜法衣道具隨得轉施不以自資□
□之懷無以加也觀省重奏請歸□道俗欽風屈爲
谿谷寺主其時州將賀蘭溫六祿儒雅八正居懷輟□
寺□□□補充太雲寺法師教授於是宣揚妙旨成庶

品之津梁演暢微言啓含生之耳目衆又舉法師以爲
上座綱紀寺衆□□□□□准勅再滌釋門甄明
戒律重補充清滌上座法師精勤攝念策勵持經維摩
法華日誦一遍戒定惠解詎測淺□□□□□式題斯
記

法師乾壽字崇詮義紐同郡人也俗姓李氏年廿歲依
化樂寺崇□法師爲傳法弟子學法華經唯識俱舍因
明等論皆理極精微妙窮法相證聖之歲刺落披緇住
谿谷寺奉別勅補充當寺教授法師於是廣演談經
深攻理趣威儀肅吻雅操超群又補都維那綱紀衆事

利益常住軌範僧仁修復伽藍咸皆壯麗故得寶坊金地月殿重明嚴館山門光揚佛日緇徒濟濟士庶銷銷三寶壽興四衆攸仰者其惟法師住持之德也又以崎嶇山路剪拓修夷枯涸川原疎泉汲引哀矜物類濟乏賙無悲敬雙修廣行口捨此者法師大悲之行也又乃天資妙女巧惠殊倫智用合宜動中規矩內懷至孝無忝所親生事愛敬死事哀感是謂孝道畢矣恭穆仁慈謹敬謙口是謂禮儀備矣未有已任孝別起津梁者哉故經云孝名爲戒亦名制止法師志崇清淨之福以報鞠育之恩神用研精敬口口室於是依山構宇備設堂

儀鑿石疎口宏開洞室池引八功之水爐焚六銖之香
七物咸环衆事周瞻長時供養通俗聖凡法師四攝利
生三悲嚮口融心二諦觀照五停積德難量解行弥廣
略陳綱紀題斯記焉

唐開元十九年歲次辛未九月廿五日建

堅行禪師塔銘

石高八寸廣六寸七分十二行
行十三字正書在西安府城南

大唐宣化寺故比丘尼堅行禪師塔銘

禪師諱堅行俗姓魚氏京兆府櫟陽人也惟師貞饒苦
節精勤厥志捐別修而遵普道欽四行而造眞門豈茶

晨霜易晞夕露難久寢疾牀枕藥餌無徵嗚呼哀哉以
開元十二年十月廿一日遷化於本院春秋七十有六
夏冊矣臨命遺囑令門人等造空施身至開元廿一年
親弟大雲僧志叶弟子四禪賢首法空淨意等收骨起
塔以申仰荅岡極之志閏三月十日

代國長公主碑

碑高九尺五寸廣四尺八寸三十
一行行六十一字正書在蒲城縣

大唐故代國長公主碑

駙馬都尉鄭萬鈞撰文

男聰書

□□□□我□唐□

□聖□天下

□

□睿宗□□□□□

□□□□□

我□□□□二后□地中□

□□誕□

□□爲□□爲□公主諱華字花婉

世祖神

堯

皇帝之元孫

睿宗大聖□皇帝之第四女

今上之仲妹也

母曰

肅明皇后

翟氏肇

開湯沐冊號永昌後遁相攸降□于鄭時年□十有□
□□□□□既嫁□象歸妹□作嬪之義築以外館錫
之美邑食封一千四百戶置□官焉開元初加崇代國
長公主植性而智因心則靈道亮于懷色溫於貌美髮

可鑑素□□□惠聲□□仁澤潛暢言有餘味情無近
屬服慈友敦孝敬昔在諒闇殆將毀滅聰明銳敏韻清
應遠耳目所經無不諷誦簡誼恬粹融融如也每擗蒲
□□□□盡得微妙至於箏篴笛琴□琵琶七絃阮
咸箏隔簾□之隨手便合有若天與寔同生知冰碧在
躬學無不通聰捷若神聲皆絕倫騁蕙心以□□□□
□而添□內範一部尤加精練晝恒不寐畱情翰墨書
薦福寺經柱三百餘言拂石雲散垂鉤露凝兔轉仙毫
初從夜月磨霏烟墨盡落天花初 則天太后御明
堂宴 聖上年六歲爲楚王舞長命□□□年十

二爲 皇孫作安公子岐王年五歲爲衛王弄蘭陵王
兼爲行王詞曰衛王入口咒願 神聖神皇萬歲孫

子成行公主年四歲與壽昌公口對舞西涼殿上羣臣
咸呼萬歲蒙自奉朱顏卅餘載泊乎暑月衣服如賓議
婉之情不以口口見棄口口恩遇弥深男二女四
教之以口長子左贊善大夫口聰爲吾耳次子右贊善
大夫明明爲吾目明使海內見聰使天下聞於國忠於
家孝合則雙美口爲口口傳云以德命爲義口聰爲駙
馬都尉恨未親迎長女口范陽盧氏有肅邑之譽二女
瑋博陵崔氏資明艷之容三女瑱范陽盧氏多慈孝之

美四女□□□□純粹之行勗之曰玉以比德四
合天則洵翳瑤彩式昭宮事懋乃衷潔作吾女儀逮乎
晚年歸心聖域六齋蔬食二時靜念□誦金剛經兩部
□華嚴八□□寶積一百廿大般若六百法華藥師大
集等經領晤了然色空不著撒聲樂投珠矧十有餘年
矣又於僧義福跪受禪觀又於金剛三□受陀羅尼□
像 是相非相以心照心逍遙真宗寂歷虛景去年忽謂
蒙曰昨夜夢念珠□斷急手自拾一箇不得是不祥他
日又夢入法堂見一空屋有人指之此四公主□□明
年□□乃後數月偵其儀刑稍稍顛頽以開元廿二年

六月廿口日熱然不食安寢不起神氣晏如有同人定

聖上愛切口口口口口口口口口口口口中人饋藥

朝觀夕察有加無瘳蒙泣而諭之久作兜率天業正念

莫散勿顧男女荅蒙自解在也未去算不口又向尼梵

海云生則有死不口口口口口口口口口口每讀經徹卷口

口願願口第四天口和先許奴不口罪翌日勅

使來問口自附奏在上千口珍重深憶

在上口口時孝順口口精神錯亂言語不得台掌奉辭

至其口口衆忽云有勅使口索香水頰浴於正

寢而寐齋時炯然開目告別諸王公主及諸親等

口府口口口口口一切揔放不情願者於諸莊安置
先是司農小兒亦准此家生者不在此限品官給使放
歸上臺封分一半施寺觀家餘平分與女請陪葬

椅陵不得厚葬莫著金銀銅器執蒙手曰恩愛斷也
有不是處莫恠更住辛苦屋裏人去去年少在莫更請
出家蒙遂奉一杯水別飲畢長逝詞口清明宛若口口
以其月廿口日薨于河南修業里第享年卅八初公主
禮遵善寺尼口和者因說弥勒宮事云阿婆未成更十
年不知計至薨日今正十年嗚呼報應之兆有期口口
之言何驗下生輪口之室還上天宮嬉遊正遍之門是

登雲口

皇帝輟朝三日使尚宮弔祭賜衣五十

副所口喪葬口供口作口口口口口口口口永穆公主及駙
馬王繇同安王洵送往并爲寫一切經以其年十二月
三日陪葬
稿陵孝也天常与善茲言妄作曷殞
濃華口口繁口口口宵傾嚴霜夏落口口紆其如慕悲
展轉其奚口嗚呼月辭
天闕兮星沒

皇宮翟服裝衣不可逢花飄粉田苧菜萎沁水油軒晝
口長已矣嗟乎口口口口口口口口門流涕容儀既口錦茵期
口夏屋口口口口口口口口儼設楚口齊引驪駒啓行丹旆絕空
素衣皓野撫靈軒而增慘仰空山而泣血夫敘德必口

口親議賢口崇乎直既親且直蒙何愧諸敢述流芳悲
題翠口其詞曰

於燥有唐系乎天光承天者

帝嗣

帝稱

皇猗那

昭口作

皇之對厥生貴

主爲

天之妹

天嫁伊何竊窕如玉浹洽

恩被綢繆禮縉道口娥英德光宵燭其行成軌
其言可服烝烝孝敬抑抑威儀九族敦敘百禮罔虧學
非從傳書乃臨池歸眞捨逸了靜絕爲曰仁者壽天何
不諒指座先徵遺珠見相慇懃自勉謹諉無忘口口愁
畱口然遐颺

帝心悼惻傾家殞喪大匠監口口

口送葬蒙也何罪忽奪天人借如可贖願百其身穠李
萎曉舊華祕春金缸罷焰玉座生塵馬鬣成封龍輶卽
路畫娶口轂丹旌指墓口薤挽於霜曉口笳簫於隴霧
霜颺隴霧相披紛薤挽笳簫咽不聞珠襦玉匣盡元夜

軒后陵邊

皇女墳

開元廿二年十二月三日建

右唐代國長公主碑云公主睿宗第四女也新唐史
以爲第五女蓋史誤碑云公主塋鄭萬鈞撰

金石錄

右代國長公主碑碑云公主字花婉而傳作華婉又
云肇開湯沐冊號永昌後乃相攸下歸于鄭錫之美

邑一千四百戶開元初加崇代國長公主傳不書封
邑之數而開元初加號長公主亦略之未免失之簡
矣考唐書十一宗諸子列傳云開元後天子敦睦兄
弟故寧王戶至五千五百岐薛五千申王四千邠府
千八百帝妹戶千而公主傳鄜國公主開元初封邑
至千四百戶此碑所載代國公主食邑亦千四百戶
則公主封邑未嘗以千戶爲限也

潛研堂金石文跋尾

按此碑爲駙馬都尉鄭萬鈞撰文男聰書蓋夫爲
妻撰文子爲母書碑亦墓碑之一例也子書母碑
猶于志寧王仁求子書父碑之例鄭萬鈞父子本

皆工書張說般若心經贊序稱萬鈞深藝之士也
學有傳癖書成草聖揮灑手翰鐫刻心經云云可
知聰之能書原本家學觀此碑筆法婉麗極似河
南顧書譜但有萬鈞名而不及聰亦偶略也文內
萬鈞自稱曰蒙與莊子同義蒙卦疏蒙微昧闇弱
之名萬鈞自謂義殆仿此萬鈞兩唐書無傳宰相
世系表鄭氏有北祖南祖二房及榮陽滄州兩派
俱無萬鈞名公主傳但云下嫁鄭萬鈞不詳其事
蹟無從考也代國長公主本睿宗第五女而碑云
四女者蓋安興昭懷公主早薨不在數內猶鄭國

長公主本第八女而碑亦作第七女非史誤也長
安志載大薦福寺不詳寺中之制据此碑云公主
畱情翰墨書薦福寺經柱三百餘言則寺中有柱
皆書經者矣長安志駙馬都尉鄭萬鈞宅在左親
仁坊北門之東杜工部有鄭駙馬宅詩卽碑云築
以外館錫之美邑者是也碑云則天太后御明堂
宴聖上年六歲爲楚王□□年十二爲皇孫岐王
年五歲公主年四歲與壽昌公主對舞西涼殿上
云云聖上者元宗也元宗以寶應元年四月崩年
七十八推其生在嗣聖二年年六歲爲天后載初

二年是年九月改天授元年舊唐書禮儀志天后
自永昌元年正月元日始親享明堂大赦改元其
月四日御明堂布政頒九條以訓于百官翌日又
御明堂饗羣臣其年冬正月日南至復親饗明堂
大赦改元載初用周正翌日布政于羣后其年二
月又御明堂大開三教天授二年正月日南至親
享明堂是天后之享明堂非一次据碑則御明堂
與諸皇孫孫女宴在元宗六歲之時爲載初二年
或行於改元天授之時亦在九月而史志於是年
不載宴明堂之事元宗之封楚王在垂拱三年其

時年十二爲皇孫者乃讓皇帝憲初以睿宗爲皇
帝憲立爲皇太子睿宗降爲皇嗣更冊爲皇孫岐
王年五歲者乃惠文太子範初王鄭改封衛俄降
封巴陵進王岐壽昌公主乃睿宗長女下嫁崔眞
者也公主二男長聰爲駙馬都尉恨未親迎唐書
元宗諸女未見有下嫁鄭聰者据杜工部集有鄭
駙馬宴洞中詩朱鶴齡註引唐史臨晉公主皇甫
淑妃所生下嫁鄭潛曜又引杜工部所撰皇甫淑
妃碑云鄭潛曜尚臨晉公主乃代國長公主之子
官曰光祿卿爵曰駙馬都尉甫忝鄭莊之賓客遊

寶主之山林据此則鄭潛曜卽鄭聰當是幼名聰
後改潛曜當代國薨時聰年尚幼故碑云恨未親
迎也

汲古閣本唐書公
主傳誤作郭潛曜

文前敘公主禱蒲絃管實

同生知後敘公主蔬食誦經了然領悟舉止前後
如出兩人雖文飾太過然其大致似非虛語卽如
其言則其嗜好之進于清淨可知矣後云敕使來
問口自附奏在上深憶在上云云在上猶言皇上
也當時之稱謂如此又有云不情願者諸莊安置
司農小兒亦准此家生者不在此限此似處分府
中奴僕男女之語也家生二字始見于此又云永

穆公主及駙馬王繇同安王洵送往永穆公主乃
元宗長女下嫁王繇是公主之姪也同安王洵宜
爲元宗諸子唐書載元宗三十子初名从水開元
二十三年悉改从玉傳載光王琚本名浚與儀王
澹頴王漉永王澤壽王清延王洄盛王沐濟王溢
信王沔義王漼陳王泚豐王澄恒王漼涼王漼泚
王洎同改而不見有名洵者卽宗室世系表亦無
考豈表傳有漏略歟凡書碑之例皆云某年月日
葬于某原禮也此碑則云以其年十二月三日陪
葬橋陵孝也與諸碑例別

裴耀卿書奏

裴本高廣行字
皆不計正書

唐侍中裴耀卿書

奚契丹兩蕃

右奚及契丹尤近邊鄙侵軼是慮式遏成勞臣庶常情
唯欲防禦所謂長策無出此者陛下獨斷宸襟高
奪羣議以爲頓兵塞下轉粟邊軍曠日持久役無寧歲
若不因利乘便一舉遂平使遷善者自新爲惡者就戮
事若不尔無息我人且令大兵臨之凶徒必潰不出此
歲當並成擒臣等初奉聖謀高深未測及聞凱捷晷候

不差而兩蕃遺噍莫不稽顙緣邊戍卒咸已返耕卧鼓
滅烽誠自此始斯皆 陛下睿謀先定 神武非

常觀變早於未萌必取預於無象臣伏以成功不宰君
人所以爲量有美不宜臣子所以成罪臣雖蒙瞽安敢
無言旣預聞 始謀又幸見成事豈可使 天功
虛往而日用不知竹帛相傳復紀何事請具狀宣付史
館垂示將來仍許將吏等刊石勒頌以紀功德臣耀卿
等不勝區區抃躍之至謹奉狀以聞謹奏

開元廿三年二月十二日禮部尚書同中書門下三

品上柱國臣李林甫奏

中書令集賢院學士修國史上柱國曲江縣開國男

臣張九齡

侍中傳文館學士上護軍臣裴耀卿

元宗批荅裴耀卿等奏

裴本高廣行字
皆不計行書

事有難易因圖可否小蕃背誕惡貫已盈人神弃之指
期可滅今之刺定偶會風心記以史官銘之樂石頗矜
功伐不顧爲之伯獻前請朕已不納卿等苦論載用多
愧使桓山之怨復在茲乎

按石刻二種一爲契丹傳首李林甫等奏請勒碑

紀功而裴耀卿書之石刻在陳息園秀麗軒帖中
一爲元宗批荅手敕刻入淳熙續秘閣帖中手敕
字徑七寸許筆勢雄偉豈當時手敕之制如是耶
然他敕又不皆如是者何也裴書奏語祇得其後
半前半不具非全本蓋法帖大率闕略之病爲多
也奏後列銜李林甫張九齡裴耀卿三人据韋述
集賢注開元二十三年十月制加皇子榮王已下
官爵令宰相及朝臣工書者就集賢院寫告身以
進於是宰相已下十三人各寫一通裝縹進內上
大悅十三人中首列者卽此三人皆在工書之列

此奏主名又爲林甫不知何以耀卿獨書之且所書又非用以入奏者所未詳也奏爲開元廿三年二月十二日上三人結銜皆以二十二年五月戊子所加石刻與史合舊唐書傳九齡以二十三年加金紫光祿大夫累封始興縣伯此碑稱曲江縣開國男者尙是二月以前之爵也舊書契丹傳契丹居黃水之南黃龍之北鮮卑之故地在京城東北五千三百里東與高麗鄰西與奚國接武德六年始入貢貞觀中太宗伐高麗至營州會其君長賜物有差二十二年窟哥等部內屬置松漠都督

府賜姓李氏其曾孫祐莫離則天時封歸順郡王
又契丹有別部酋帥孫敖曹武德四年內附至曾
孫萬榮垂拱初封永樂縣公萬歲通天中萬榮與
松漠都督李盡忠舉兵殺營州都督趙翽作亂則
天下詔改萬泰名爲萬斬盡忠爲盡滅詔令張元
遇等率兵討之俄而李盡忠死萬斬爲其奴斬之
傳首東都開元三年其首領李失活內附封爲松
漠郡王失活死從父弟娑固代統其衆其大臣可
突于反娑固奔營州都督許欽澹徵奚王李大輔
者及娑固合衆以討可突于皆被殺可突于立娑

固從父弟鬱于爲主遣使請罪十年封鬱于爲松
漠郡王明年鬱于病死弟吐于代統其衆與可突
于復相猜阻十三年吐于來奔可突于立李盡忠
弟邵固爲主其冬車駕東巡邵固詣行在所改封
廣化郡王邵固還蕃又遣可突于入朝中書侍郎
李元紘不禮焉可突于怏怏而去十八年可突于
殺邵固率部落并脅奚衆降于突厥於是詔中書
舍人裴賁等討之師竟不行二十年詔信安王禕
爲行軍副大總管出塞擊破之可突于遠遁奚衆
盡降禕乃班師明年可突于又來抄掠幽州長史

薛楚玉等追擊之官軍大敗詔以張守珪爲幽州

長史以經略之時契丹衙官李迺折與可突于不

叶夜勒兵斬之二十三年正月傳首東都封迺折

爲北平郡王此中國與奚契丹用兵征討之本末

也

新書與此大同

傳首在正月林甫等請刻碑在二月而

元宗荅敕有伯獻前請朕已不納卿等苦論載用

多愧之語伯獻者程伯獻也新書載裴寬等進討

之時有帥程伯獻張文儼宋之悌李東蒙趙萬功

郭英傑等爲八總管兵以擊契丹旣又以信安王

禕出塞捕虜以二薛來俘告廟伯獻當卽於此時

金石錄卷二十一
請立碑紀功而元宗不納故批荅內及之又考舊
唐書張守珪傳契丹別將李過折率衆以降守珪
因出師次于紫蒙川大閱軍實議賞將士二十三
年春守珪詣東都獻捷上賦詩以褒美之仍詔於
幽州立碑以紀功賞是此後仍從耀卿之奏也

景賢大師身塔記

碑高三尺橫廣四尺五分三十行
行二十一字行書在嵩山會善寺

唐嵩山會善寺故景賢大師身塔石記

左拾遺口山羊愉纂

沙門溫古書

大師諱景賢菩提大通法王也本姓薛氏汾陰人世爲
著族容貌秀偉見者肅然幼而神明周覽傳記弱冠投
心大覺宿好都遣問道於□□智寶禪師師言法王大
寶世傳其人今運鍾江陵玉泉次一佛出世亦難遭矣
則星馳駿邁而得大通發言求哀揮汗成血大通照彼
精懇喻以方便一見悟入固然照洗屬世讓迫隘遠迹
幽絕客居巴峽三抗山中山尋覓必□□□虎搏噬毒
癘蒸鬱而我歲時宴居初無惱害豈□爲之守而神靈
保綏良可知也久之廣大圓極悉心以獻大通怡然克
荷相許付寶藏傳明燈爲不讓矣時神龍□□□

中宗聞風

詔請內度法衆仰德口留都下大師

雅尚山林迫以祈懇或出或處存乎利濟化自南國被
乎東京向風靡然一變於代蓋三世諸佛口口口印妙
極之用言外之功不可得而聞也觀乎口口蠶、於黑
闇千界熙熙於熱毒如來有以登大明灑甘露口相示
寂滅而業遵龍象則我先佛法身湛然常口者矣始先
祖師達磨西來歷五葉而授大通赫赫大通濟濟口口
寂成福藏爛口口口同波派流分景並照亦東口之盛
也嘻世相不實口盡誰口菩薩知時口口於物開元十
一年龍集癸亥歲八月在嵩山會善道場現有微疾沐

浴宴坐神情儼然翌日而謝春秋六十有四雲山慘毒
庭樹凋摧矧夫情靈痛可言也門人比丘法宣比丘慧
燦比丘敬言比丘慧林等不勝感戀奉爲建塔迺亭剋
赫出於嵩半 主上追懷震悼賜書塔額署曰口
恩存沒榮幸山川光燭廿年又起身塔於北巖下永奉
安焉若其積微成著之勤乘定發慧之用堅剛勇猛之
操大悲廣衍之口率皆碑版所詳不復多載也

開元廿五年歲次乙亥八月十二日建

羊愉撰沙門溫方行書開元二十五年八月葉封曰
按王維有留別溫古上人兄詩云宗兄此削髮蓋其

族人亦必可稱者也

金石文
字記

右景賢法師碑塔高三丈圍二丈五尺在登封縣西

北十里許會善寺後山坡開北向

金石
圖

記載景賢沒于開元十一年八月春秋六十有四唐

文集如柳子厚誌僧年皆作僧臘蓋彼教法謂出世

卽不復以俗年計算而此獨書春秋與隆闢法師碑

同豈亦不襲浮屠氏語耶書逸峭未以其僧徒易之

也

援堂金
石跋

按此碑題開元廿五年歲次乙亥八月十二日建

開元廿五年是丁丑歲非乙亥碑蓋誤書廿三爲

廿五也自金石文字記以來諸家皆未加留意並
承其譌作廿五年今正之

金石萃編卷七十八終

金石萃編卷七十九

賜進士出身 誥授光祿大夫刑部右侍郎加七級王昶撰

唐 三十九

鄭虔華嶽題名

碑已殘缺僅存縱橫尺許六行首行一字次行兩字三行六字四行五字五行七字六行四字隸書

懸 昭應 方達襲宗臣之 在永事 明神 主

薄常冀叔元搗 史子華刻

唐鄭虔題名云開元二十三年四月二十三日榮澤鄭虔彪鄉道之智覺同登華山回步而謝于神云云其詞四六排偶共百五十餘字史子華刻分書彷彿

惟則骨氣卑下非唐隸之佳者

金石錄補

碑只存六行共三十四字不可句讀惟蒲尉二名可識又有史子華刻字字樣史子華者卽刻大智禪師之碑者也

關中金石記

李愬華嶽題名

在華嶽頌碑左側李仲昌題名下共四行行十四字正書

鄭縣尉李愬以開廿四六月六日充勅簡募飛騎使判官向陝虢州點覆其月十四日事了迴便充京畿採訪使句覆判官此過赴京

右李愬華嶽題名其文刻於華嶽頌之左側開下脫

元字予嘗論明皇仿周官修六典省臺寺監官各有
司欲去冗濫之弊而因事置使名目猥多楊國忠以
度支郎中兼領十五餘使及至宰相領四十餘使使
名之濫如此古人謂省官不如省事良有以也國忠
所領有名募劍南健兒使此簡募飛騎亦其類蓋自
府兵壞而召募之使四出然健兒身手終不能當漁
陽之鼙鼓者文具而實不至爾採訪使之下有句覆
判官唐書百官志亦未載

潘研堂金石文跋尾

蘇頲題名

在華嶽頌碑左側孫廣題名下三行行十四字左行正書

開元廿六年八月廿七日朝請大夫守別駕臨潼縣開國男蘇頲從內使奉勅祭

又

正書在蘇頲下二行六字

郊社丞蘇炎記

謁金天王祠題記

在華嶽頌碑右側第五碑題名下四行行二十二字正書

顏真卿書

皇唐乾元元年歲次戊戌冬十月戊申真卿自蒲州刺史蒙恩除饒州刺史十有二日辛亥次于華陰與監察御史王廷昌大理評事攝監察御史穆寧評事張滂

華陰令劉嵩主簿鄭鎮同謁 金天王之神祠顏真卿

題記

今在華嶽碑之右旁王伯厚言華嶽題名五百十一人再題三十一人自開元訖清泰今存者惟此與述聖頌二碑不過二十餘人而已又因地震之後以碎石裝砌嶽廟大門牆上亦有唐人題名今王無異所搨得者通共九十二人有裴士淹李德裕李商隱名魯公每遊名山必刻己姓名一置高山之顛一投深谷之內曰焉知後世不有陵谷之變耶古人重名所以重其身今人不重其身只因不重名耳

金石文字記

公以乾元元年三月自馮翊太守改刺蒲州尋爲御史唐旻誣構卽於是年十月改刺饒州道經華陰乃與監察御史王延昌等同遊華岳題名金天王祠當是時公內忌於宦官外誣於酷吏連遭貶斥罷於奔命殆無虛日而從容暇豫題名華岳如無所事者然蓋公之義命自安不爲威武所屈貧賤所移此可見矣 金天王華岳神也舊史元宗紀開元元年九月

封華岳神爲金天王

虛舟題跋

顏真卿題記以唐書本傳及留元剛年譜攷之公以肅宗二年十一月出爲馮翊太守三年三月改蒲州

刺史十月又改饒州刺史也其時饒州爲唐旻所誣
因亮行狀曰天寶十五載元宗以公爲戶部侍郎依
前平原太守充本郡防禦使公以景城長史李暉爲
副前侍御史沈震爲判官又詔公爲河北採訪處置
使公又以前成陽尉王延昌爲判官張澹爲友是年
秋祿山遣將史思明尹子奇等併力攻河北諸郡前
後百餘日饒陽河間景城樂安相次而陷所存者平
原博平清河三郡而已人心潰亂不可復制公乃將
麾下騎數百棄平原渡河取路朝肅宗于鳳翔初公
之未渡河也謂判官穆寧張澹曰賊勢旣爾若委命

待擒必爲所快心今計徑赴行在公以爲何如寧澹
與諸將然之遂行朝廷除公爲憲部尚書令狐峒神
道碑曰時前殿中侍御史沈震鹽山尉穆寧武邑丞
李銑清河主簿張澹各抒器能參贊成務此王延昌
穆寧張澹等與偕之所自來然攻穆寧傳寧以明經
調鹽山尉祿山反寧募兵斬僞景城守劉道元聞真
卿拒祿山卽馳謁謂曰我可從公死旣而賊攻平原
寧勸固守真卿不從夜亡過河見肅宗行在帝問狀
真卿對不用寧言以至此帝異之召寧將以諫議大
夫任之會真卿以直忤旨寧亦罷上元初擢殿中侍

御史與行狀寧澹與諸將然之之說有不合則當以
史爲正者矣年譜曰是年九月有祭姪季明文十月
有華嶽廟題名至東京拜掃有祭伯父豪州刺史文
關中金
石記

張惟一等祈雨記

在述聖頌碑左側四
行行三十七字隸書

大唐中興剋復兩京後乾元元年自十月不雨至于明
年春朝散大夫使持節華州諸軍事檢校華州刺史平
原郡開國公賜紫金魚袋張惟一與華陰縣令劉勗丞
口岫丞員外置同正員李綬主簿鄭鎮尉王禁尉高佩

尉崔季陽於西嶽金天王廟祈請初發言雲興倏登
車雨降益精意所感致明神應期庶似潁川之能不慙
方伯之事時二月十日題紀前金州刺史李權書

右碑隸書前金州刺史李權書也按華陰一縣于令
之外設二丞一簿三尉有唐官制之濫史所備載語
云一羊九牧民生日蹙大寶之亂所由來也

金石錄補

書史會要李權唐宗室李平均叔也工八分官金州

刺史惟一名見宰相世系表

圖中金石記

右張惟一祈雨記刻於述聖頌之左側據宰相世系
表惟一望出清河東武城宰相錫之孫官至華州刺

史此記正在刺華時與唐表合新舊史皆不爲惟一
立傳王定保摭言載蕭茂挺父爲莒丞得罪清河張
惟一時佐廉使按成之茂挺初登科自洛還莒道邀
車發辭哀乞惟一涕下卽日舍之且曰蕭贊府生一
賢方資天下風教吾由是得罪無憾也宋子京嘗采
其事入類士傳益其好賢之誠有足多者又嘗爲刑
州長史見呂誼傳

潘研堂金石文跋尾

王宥等謁嶽祠題記

題名刻述聖頌碑右側作兩截書上年月四
行行五字篆書下人名四行行十六字隸書

卅
上
下
平
常
終
肉
十
司
式

今十壘日同韻 山巒祠肅記

右在上截

華陰縣令王賓 前令王紆 丞王沐

尉李齊儉尉口頌 鞏縣主簿張彬尉竇盛

下邳縣丞李演尉邢涉處士王季友張彰

著佐郎孟昌原京兆府鑾轡參軍李樞書

篆并

右在下截

釋文

大唐上元元季冬十有式月十壹日同詣嶽祠書記

華陰縣令王宥 前令王紆 丞王沐 尉李齊佺尉
口頌艱縣主簿張彬尉竇戎下邳縣丞李演尉邢涉處
士王季友張彪著作郎孟昌原京北府瀛州參軍李樞
晉并篆

唐有兩上元年號此則肅宗時也

金石文
字記

樞李權弟述書賦注云李權淮安王神通曾孫工八
分弟樞工小篆內有處士王季友卽杜甫所稱鄴城
客子是也豫章圖經云季友鄴城人家貧賣履博極
羣書李勉引爲賓客甚敬之

關中金
石記

太州別駕殘題名

金石錄卷之九
在告華岳文之後
一行十三字正書

正議大夫太僕少卿兼太州別駕

案文只存十三字云正議大夫太僕少卿兼太州別
駕攷華州以上元二年改名太州則此爲肅宗時人

所題矣

關中金
石記

邱據題名

石橫廣一尺二寸高一尺
一寸六行行八字正書

陳鄭澤潞等州節度行軍司馬殿中侍御史丘據再隨
使主赴上都 朝謁往來皆虔拜 神祠時實應二
年六月八日記

右邱據題名完好無缺案寶應肅宗改號是年帝崩
代宗以四月卽位明年七月改元廣德故于六月猶
稱寶應二年也方鎮表寶應元年澤潞節度增領鄭
州又增領陳邢洺趙四州是年以趙州隸成德軍此
題載陳鄭据增領者言之與表相符據見唐書藝文
志有邱據相國涼公錄一卷李抱玉事據諫議大夫
蓋以其所終之官書之

按堂金石跋

右邱據題名其云使主者節度使李抱玉也抱玉本
陳鄭賴亭節度使代宗卽位兼澤潞節度使方鎮表
寶應元年澤潞節度增領鄭州又增領陳邢洺趙四

州正抱玉爲帥之日德宗以後陳鄭與澤潞各自爲
鎮不復相統攝

潛研堂金石文政尾

李懷讓題名殘字

三行上下缺
左行正書

軍兼同華兩州節

卿使持節華州諸

丞上桂國汧國公

右只存三行每行七字共二十一字攷唐常衮華州
刺史李公墓誌云公諱懷讓以佐命功持授鎮國大
將軍加特進兼鴻臚卿封汧國公充潼關鎮國軍使

同華等州節度使華州刺史以廣德元年九月薨于
華州軍府詔陪葬建陵則此乃懷讓題名也再攷唐
會要叙陪陵名位建陵只及汾陽王郭子儀一人而
無懷讓應爲缺略懷讓薨于廣德改元故附置于此
關中金
石記

劉士深等題名

石高一尺廣六寸七
行字數不等正書

前藍田縣尉劉士深

前奉天縣尉劉士清

京兆府倉曹參軍李迪

前告成縣丞李逖

商州豐陽縣令李逖

下邳縣尉李遠

特廣德元年三月紀

內李逖李迪李遙李遠四人名宰相世系表俱有在

東祖李氏下

關中金石記

右題名正書按此題列名皆以地望爲先後藍田奉天兩縣尉居首東京邑也告成縣丞書在豐陽令上者告成屬河南府亦爲東都故耳北嶽神廟碑有安喜縣尉李逖與此稱告成縣丞者或卽其人未可知

也新唐書藝文志李遠詩集一卷字求古大中建州
刺史若以廣德紀元方爲尉則至大中時八十餘年
矣疑別爲一人

授堂金石跋

韋口題名

石高一尺廣七寸
七行行十字正書

銀青光祿大夫守太常卿使持節延州都督侍御史上
柱國岐陽縣開國男韋口以廣德二年二口口七日越
自師旅將詣朝廷口口口神式所景福時與口口口
口口秀之同謁

題云以廣德二年二口口七日越自師旅將詣朝廷

云云者以是時僕固懷恩叛也韋君不詳其名

關中金石記

李仲昌等題名

在華嶽頽碑左側賈誼詩下六行字數不等正書

朝議郎行太子司議郎兼華陰縣令李仲昌

行丞田遊業 行丞同正韋潯

行主簿韋況 行尉崔頽

行尉王卓 行尉蘇惟陽

廣德口年三月韋潯書記

宰相世系表云潯官昭應令案此云行華陰縣丞同

正當在未爲昭應令之先又有云行尉崔頌表以爲

頌終同州刺史

國中金石記

韋公右等題名

石殘缺現存橫廣一尺五寸高八寸八行行五字六字不等正書

缺郎行華陰縣

缺

察吏以時麥

缺

明神咸列名

缺

行令韋公右

行丞同正韋潞

行尉李旼

行尉劉

口蒨

投書郎盧舒口

又

在韋潞左右空處二行行七字左行行書

大梁趙令矜恭謁

聖帝祠下

壬辰四月六日

孫廣等題名

金華縣志卷之十九
在華嶽頌碑左側賈竦詩下
三行行七字十字不等正書

朝散郎行下邳縣丞孫廣

試衛尉少卿田遇

廣德二年六月十三日記

焦錢題名

石橫廣一尺二寸高一尺三
行行十字十一字不等正書

前大理司直焦鉞與緱氏縣焦琳華州司倉參軍焦賁
永泰元口春同遊此廟

又在焦鉞之左二行行
九字十字不等正書

丙供奉開國公上柱國賜紫金魚袋蔣羅漢

又在舊錄之右三行
字數不等正書

內侍省掖庭局口王嘉欽弟景暉

押衙左金吾大將軍賜紫金魚袋高

許州許昌縣丞于黃

第五公等題名

在華嶽頌碑右側顏魯公題名上
十一行行九字十字不等正書

前相國京兆第五公自戶部侍郎出牧枯州子聿闕內

河東副元帥判官禮部郎中兼侍御史虞當自中都濟

河於華陰拜見從謁 靈祠因紀貞石時

大唐

大曆五年六月四日

金石錄卷之六
司勳郎中兼侍御史李國清

倉部員外兼侍御史張曇

大理正兼監察御史王翺 右衛錄事參軍第五準

文云前相國第五公自戶部侍郎出牧枯州蓋坐與
魚朝恩善貶也又云子堦虞當子堦之稱自此始堦
作聳者子祿字書云聳聳堦上俗中通下正堦一變
爲堦再變爲埧三變爲聳四變爲聳皆由胥變爲胥
致誤又聳或亦寫作胥故月耳相溷

關中金
石記

蘇敦等題名

在昭應碑下截作兩段書前一段入行後
一段九行每行六字七字入字不等正書

沃州司馬蘇敦

弟華陰縣令發

弟咸陽縣主簿敦

弟前華原縣丞徹

弟太常寺主簿敦

弟吏部常選敦

弟少府監主簿敦

弟澂

明年十一

大饗中發任華陰縣令時禮部尚書河東裴公出牧鄴

陽敦與發徹同送至此拜謁金天便過東驛不避炎

署亭午而迴故列名於前刻石題記

五年夏六月六日

宰相世系表蘇氏河南尹震有七子敦發教徹璲政
儼此云汝州司馬敦弟華陰縣令發弟咸陽縣主簿
教弟前華原縣丞徹弟太常寺主簿敞弟吏部常選
璲弟少府監主簿教弟儼不同者璲疑卽是璲有敦
不應後有璲也政疑卽是敞字形相近此等要當以

碑爲正

關中金
石記

按數字廣韻玉篇諸書俱不收惟梅氏字彙云所
斬切窄也恐未必取此爲名世系表作教似可從

疑碑有泐訛又字書無璚字自當從碑作璚

裴士淹題名

在華嶽頌碑左側上截
七行行四字左行正書

禮部尚書裴士淹出爲饒州刺史大曆五年六月六日
於此禮謁

盧綸等題名

石橫廣二尺一寸高八寸六行
行七字十字不等左行正書

大曆六年二月二日綸赴

前華州叅軍口漸

前王屋縣令陸永

前同官主簿陸洎

將仕郎守閔鄉縣尉盧綸

前國子進士趙鄭

歷覽前賢題名庚子

右題名殘斷不相屬舊唐書盧簡辭傳云父綸大歷
初宰相王縉奏爲集賢學士秘書省校書郎會縉得
罪坐累久之乃調陝府戶曹河南密縣令不見作尉
閔鄉事惟新唐書有之云大歷初數舉進士不第元
載取綸文以進補閔鄉尉與此合

投堂金石跋

庚口等題名

石殘缺現存橫廣一尺六寸五分高八寸
十二行行五字六字七字不等左行正書

缺 華州刺史兼御 殿中侍御史庾 監察御史李亘

缺 太常博士口 太華三峯野客 新安縣尉盧 監

採藥使翰林 監軍判官尹懷 監軍判官劉口 缺太

華山人段藩口 押衙左金吾衛大

大曆六年乙亥 缺

按大曆六年歲次辛亥非乙亥

崔微等題名

石高一尺廣四寸四
行行十字左行正書

前開州刺史崔微 男蓀

前緱氏縣令康洽

前鄉貢進士侯季文

大德七年三月廿日西上

右題名正書自左起宰相世系表清河大房有微河南少尹子概太常少卿此題既從杜不從水又元和十年題名華陰縣令崔旆亦卽其人皆與表異文苑英華穆員陸渾尉崔沭墓誌云河南少尹微之子又云君長兄河南府尹司錄叅君案君當作軍概不勝其哀崔少尹盧氏墓誌云唐河南少尹清河崔微則微字傳誤也概亦從水並誤

授堂金石跋

韋弼題名

石高廣俱九寸三
行行六字正書

醴泉縣令韋弼

大興七年十月廿八日題記

元澄等題名

石高九寸橫廣一尺六寸共八
行行五字六字不等左行行書

尚書虞部員外郎兼殿中侍御史元澄與大理評事盧
恒華陰縣丞裴言則以唐大興八年十二月三日題紀
題內有大理評事盧恒宰相世系表恒殿中侍御史

關中金

石記

韋說杜錫題名

石橫廣一八六寸高九寸
共九行行六字左行正書

朝散大夫前鄭州陽武縣令韋說

大德九年四月廿二日謁祠題記

平陸主簿杜錫

芮城主簿杜梅

建口三月廿三日

李謀等題名

在韋說題名之右三行
行八字十字不等正書

前鳳翔府司錄參軍李謀

前長安縣主簿李融

大曆九年十月十三日題

右題名正書舊唐書德宗紀貞元九年五月甲辰以
鄭州刺史李融爲滑州刺史義成軍節度使蓋卽此
題稱前長安縣主簿者也攷紀文前書五月庚申則
甲辰當爲六月紀於此脫文矣融又見李適之傳子
季卿孫融立性嚴整善吏事貞元十年歷官至渭州
節度使卒渭當作滑傳刻誤也宗室世系表列適之
相元宗下惟書嘗而季卿及融俱失載融又見裴光
庭傳加宏文館大學士引壽安丞李融令直宏文館

是融初從仕亦以文學見引非獨善吏事矣予故綜其前後論之以見名不虛附也

授堂金石跋

上官沼題名

在昭應碑下截蘇敦之左三行字數不等行書

侍御史上官沼大曆十三年七月廿九日赴東臺謁嶽
過

宰相世系有上官詔當卽其人表宜從碑作沼爲是

關中金石記

右題名正書案東臺之名因話錄云武后朝御史臺有左右肅政之號當時謂之左臺右臺則憲府未嘗

有東西臺之稱惟俗間呼在京爲西臺東都爲東臺
攷舊唐書獨孤郁傳憲府故事三院御史由大夫中
丞自辟請命于朝時崔晃鄭居中不由憲長而除勅
命雖行明拒而不納晃竟改太常博士居中分司東
臺盧杞傳父奕天寶末爲東臺御史中丞昌黎集故
虞部張君墓誌銘拜監察御史經二年拜真御史明
年分司東臺轉殿中呂和叔集故太子少保贈尚書
左僕射韋府君神道碑銘遷監察御史內供奉東都
畱守卽拜東臺侍御史司空表聖集盧知猷神道碑
遷侍御史專領東臺之務以此題名証之則當時見

于史傳文集皆稱東臺決非從俗爲之因話錄檢審
不精妄爲此議也

授堂金石跋

金石萃編卷七十九終